



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08 i 5/22), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU POLITIČKE ORGANIZACIJE „ZAJEDNO ZA BOLJI SREBRENİK“

Broj: 03-07-6-487/23
Sarajevo, 13.06.2025. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE	8

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Političke organizacije „Zajedno za bolji Srebrenik“ za 2022. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2022. godinu, utvrđeno je da je Politička organizacija „Zajedno za bolji Srebrenik“ prekršila odredbe člana 4. stav (1), člana 8. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Političke organizacije „Zajedno za bolji Srebrenik“ za 2022. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2022. godinu, Politička organizacija „Zajedno za bolji Srebrenik“ se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	3.050,00	10,29
3.	Prilozi pravnih lica (3-b)	5.000,00	16,88
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	21.582,00	72,83
8.	Prihodi od propagande (3-g)	0,00	0,00
I	Ukupni prihodi (1-8)	29.632,00	100,00
II	Ostali prihodi i drugo	0,00	0,00
	Izvori finansiranja (I+II)	29.632,00	100,00

U godišnjem finansijskom izvještaju za 2022. godinu Politička organizacija „Zajedno za bolji Srebrenik“ je iskazala rashode u ukupnom iznosu od 25.288,76 KM.

2. PREDSTAVLJANJE POLITIČKE STRANKE

Naziv političke stranke: Politička organizacija „Zajedno za bolji Srebrenik“. Skraćeni naziv je ZBS.

Politička organizacija „Zajedno za bolji Srebrenik“ registrovana je kod Općinskog suda u Tuzli Rješenjem, broj: 032-0-Reg-20-000318 od 09.03.2020. godine. Rješenjem suda broj: 032-0-Reg-21-001477 od 15.10.2021. godine upisana je promjena lica ovlaštenog za zastupanje i predstavljanje političke stranke.

Sjedište političke stranke je u Srebreniku, ulica Kulina bana bb.

Lice ovlašteno za zastupanje i predstavljanje stranke je Mustafa Šabić, predsjednik stranke.

Ovlašteno lice za podnošenje finansijskih izvještaja za 2022. godinu je Amela Smajlović.

Prema podacima iz godišnjeg finansijskog izvještaja za 2022. godinu, Politička organizacija „Zajedno za bolji Srebrenik“ nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Političke organizacije „Zajedno za bolji Srebrenik“ za 2022. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju

političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Političke organizacije „Zajedno za bolji Srebrenik“ obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled finansijskih izvještaja Političke organizacije „Zajedno za bolji Srebrenik“ za 2020. i 2021. godinu, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja Političke organizacije „Zajedno za bolji Srebrenik“ za 2021. godinu, izdat je izvještaj o pregledu sa mišljenjem revizora, nalazima i preporukama stranci: da finansijska sredstva osigurana za finansiranje političke stranke koristi u skladu sa programom i statutom za ostvarivanje ciljeva političke stranke, da vodi poslovne knjige u skladu sa računovodstvenim propisima, odnosno da vodi potpune i pravilne evidencije o svojim prihodima i rashodima, da uspostavi evidenciju o blagajničkom poslovanju i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2022. godinu, utvrđeno je da Politička organizacija „Zajedno za bolji Srebrenik“ nije ispoštovala sve preporuke.

5. NALAZI I PREPORUKE

5.1 NALAZI

a) Politička organizacija „Zajedno za bolji Srebrenik“ nije postupila u skladu sa odredbama člana 4. stav (1) Zakona o finansiranju političkih stranaka¹.

Uvidom u godišnji finansijski izvještaj za 2022. godinu utvrđeno je da je Politička organizacija „Zajedno za bolji Srebrenik“ u 2022. godini ostvarila rashode u ukupnom iznosu od 25.288,76 KM.

Politička organizacija „Zajedno za bolji Srebrenik“ u programu utoška sredstava za 2022. godinu planirala je rashode u ukupnom iznosu od 38.100,00 KM.

(1) Analizom programa utroška sredstava za 2022. godinu, utvrđeno je da je stranka finansijska sredstva u iznosu od 4.856,68 KM utrošila mimo utvrđenog programa utroška sredstava, kako slijedi:

- Stranka je ostvarila troškove u iznosu od 4.838,20 KM koje nije predvidjela svojim programom utroška sredstava, i to: troškove kancelarijskog materijala u iznosu od 1.125,85 KM, troškove telefona u iznosu od 767,65 KM, troškove usluga u iznosu od 1.128,68 KM, troškove po osnovu takse u iznosu od 70,00 KM, troškove toplog obroka u iznosu od 1.133,00 KM i troškove poreza i drugih obaveza u iznosu od 613,02 KM.
- Stranka je planirane troškove komunalnih usluga prekoračila za 18,48 KM. Troškove komunalnih usluga stranka je planirala u iznosu od 400,00 KM, dok je iste ostvarila u iznosu od 418,48 KM.

¹ Finansijska sredstva iz člana 3. stav (1) Zakona o finansiranju političkih stranaka, politička stranka može koristiti isključivo za ostvarivanje ciljeva utvrđenim svojim programom i statutom.

- (2) Uvidom u fakturu/otpremnice pravnog lica „Futura Multimedia“ d.o.o. Tuzla broj: FAKT/00546/22/1573 od 17.10.2022. godine u iznosu od 896,68 KM, kojom su stranci fakturisane usluge oglašavanja na Google oglasima, utvrđeno je da je stranka navedena sredstva utrošila za finansiranje izborne kampanje Nihada Omerovića, kandidata političke organizacije Narod i pravda na Općim izborima 2022. godine.
- (3) Politička organizacija „Zajedno za bolji Srebrenik“ je u poslovnim knjigama evidentirala i u finansijskom izvještaju iskazala troškove kancelarijskog materijala u iznosu od 1.125,85 KM. Uvidom u račun pravnog lica „Printas“ d.o.o. Srebrenik broj: FOM-00888 od 25.10.2022. godine, koji je dostavila politička stranka, utvrđeno je da su u navedenom iznosu fakturisani: printanje, plakati, baner-cerade i bilbordi.

Uvidom u službene evidencije utvrđeno je da Politička organizacija „Zajedno za bolji Srebrenik“ nije učestvovala na Općim izborima 2022. godine. S obzirom da stranka nije učestvovala na Općim izborima 2022. godine, nije moglo biti utvrđeno u koju svrhu je izvršena nabavka promotivnog materijala, tj. u koju svrhu su utrošena finansijska sredstva stranke.

S obzirom da je Politička organizacija „Zajedno za bolji Srebrenik“ finansijska sredstva u iznosu od 4.856,68 KM utrošila mimo utvrđenog programa utroška sredstava, odnosno da je sredstva u iznosu od 896,68 KM utrošila za promociju druge političke stranke i da za utrošena sredstva u iznosu od 1.125,85 KM nije moglo biti utvrđeno u koju svrhu su utrošena, prekršila je odredbe člana 4. stav (1) Zakona o finansiranju političkih stranaka.

b) Politička organizacija „Zajedno za bolji Srebrenik“ je prekršila odredbe člana 8. stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja utvrđeno je da je Politička organizacija „Zajedno za bolji Srebrenik“ primila prilog pravnog lica „WORTMANN METAL“ d.o.o. Tinja, koje je u toku 2022. godine imalo sklopljene ugovore o javnim nabavkama radova i usluga sa organom izvršne vlasti čija je vrijednost veća od 10.000,00 KM, što je suprotno odredbama člana 8. stav (4) Zakona o finansiranju političkih stranaka.

Politička stranka je u toku 2022. godine primila prilog pravnog lica „WORTMANN METAL“ d.o.o. Tinja u iznosu od 3.000,00 KM.

Prema podacima koje je dostavio Grad Srebrenik, pravno lice „WORTMANN METAL“ d.o.o. Tinja je sa Gradom Srebrenik u toku 2022. godine imalo zaključen Ugovor o izvođenju radova na pokrivanju višefunkcionalnog objekta u sklopu kompleksa Starog Grada Srebrenik u iznosu od 14.981,73 KM.

c) Politička organizacija „Zajedno za bolji Srebrenik“ prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Pregledom finansijskog izvještaja, poslovnih knjiga i finansijske dokumentacije utvrđeno je da Politička organizacija „Zajedno za bolji Srebrenik“ poslovne knjige nije vodila u skladu sa računovodstvenim propisima i odredbama člana 11. stav (1) Zakona o finansiranju političkih stranaka. Stranka nije uspostavila pravovremene i tačne evidencije o novčanim tokovima, rashodima i obavezama, finansijski izvještaj nije popunila na način kako je Centralna izborna komisija BiH propisala Pravilnikom o godišnjim finansijskim izvještajima političkih stranaka (u daljem tekstu: Pravilnik), čime je prekršila odredbe člana 12. stav (1) i (4) istog Zakona.

- (1) Stranka nije u obrascu 2 (pregled prometa svih transakcijskih računa političke stranke) godišnjeg finansijskog izvještaja iskazala tačne podatke o početnom stanju i prometu ostvarenom putem transakcijskog računa, čime je prekršila odredbe člana 11. Pravilnika.

U obrascu 2 iskazan je transakcijski račun broj: 1861450310533375 kod Ziraat banke BH d.d. Sarajevo sa sljedećim podacima: početno stanje na dan 01.01.2022. godine u iznosu od 831,78

KM, ukupan promet ulaza u iznosu od 29.631,90 KM, ukupan promet izlaza u iznosu od 28.314,74 KM i stanje na dan 31.12.2022. godine u iznosu od 2.148,94 KM.

Kontrolom izvoda sa transakcijskog računa koje je stranka dostavila za period od 01.01.2022. do 31.12.2022. godine, utvrđeno je sljedeće: početno stanje na dan 01.01.2022. godine u iznosu od 826,78 KM, ukupan promet ulaza u iznosu od 29.631,90 KM, ukupan promet izlaza u iznosu od 28.309,74 KM i saldo na dan 31.12.2022. godine u iznosu od 2.148,94 KM.

(2) Politička stranka je u obrascu 3-b (prilozi pravnih lica) iskazala prilog od pravnog lica „WORTMANN METAL“ d.o.o., bez navođenja sjedišta pravnog lica, čime je prekršila odredbe člana 15. Pravilnika. U skladu sa važećim propisima sjedište je sastavni dio naziva svakog pravnog lica.

(3) Politička organizacija „Zajedno za bolji Srebrenik“ nije u godišnjem finansijskom izvještaju pravilno iskazala troškove, te je pojedine troškove nastale ranijih godina evidentirala kao troškove tekućeg perioda, čime je prekršila računovodstvene propise i odredbe člana 21. i 22. Pravilnika.

- Uvidom u izvode sa transakcijskog računa i analitičke kartice troškova, utvrđeno je da je stranka troškove telefona i troškove električne energije iz 2021. godine evidentirala kao troškove tekućeg perioda, što ukazuje da poslovne knjige ne vodi u skladu sa računovodstvenim propisima.

Stranka je račune dobavljača „TXTV“ d.o.o. Tuzla za 12/2021 godine u ukupnom iznosu od 46,66 KM i račun dobavljača JP „ELEKTROPRIVREDA“ d.d. Sarajevo za 12/2021 u iznosu od 167,90 KM iskazala kao troškove tekućeg perioda. Stranka je navedene troškove trebala iskazati kao rashode prethodnih godina.

- Stranka u obrascu 4.1 godišnjeg finansijskog izvještaja nije pravilno iskazala troškove zakupa poslovnih prostora.

U godišnjem finansijskom izvještaju stranka je iskazala troškove zakupa poslovnih prostora u ukupnom iznosu od 1.150,00 KM.

1. Politička stranka je godišnjem finansijskom izvještaju i poslovnim knjigama troškove zakupnine poslovnog prostora iskazala u iznosu manjem za 4.150,00 KM u odnosu na stvarne. Uvidom u poslovne knjige i izvode sa transakcijskog računa stranke utvrđeno je da je trošak zakupnine poslovnog prostora u Srebreniku proknjižen u iznosu od 450,00 KM. Prema podacima iz ugovora o zakupu poslovnog prostora koje je stranka imala zaključene sa fizičkim licem Đ. S., utvrđeno je da su troškovi zakupnine poslovnog prostora u Srebreniku u toku 2022. godine iznosili 4.600,00 KM.

2. Stranka je troškove koji se odnose na iznajmljivanje kongresne dvorane i iznajmljivanje tehničke opreme po računu pravnog lica „Mellain“ d.o.o. Tuzla, broj: 2022/1-10-260-18 od 12.03.2022. godine u iznosu od 700,00 KM, u poslovnim knjigama evidentirala i u godišnjem finansijskom izvještaju iskazala kao troškove zakupnine poslovnih prostora. Stranka je navedene troškove trebala evidentirati kao troškove ostalih zakupnina.

(4) Politička organizacija „Zajedno za bolji Srebrenik“ nije pravilno popunila obrazac 5 (obaveze političke stranke) godišnjeg finansijskog izvještaja, čime je prekršila odredbe člana 24. Pravilnika.

- Podaci o obavezama prema pravnom licu JP „Elektroprivreda BiH“ d.d. Sarajevo koje je stranka iskazala u obrascu 5.2 (ostale obaveze) godišnjeg finansijskog izvještaja ne odgovaraju podacima iz poslovnih knjiga. Naime, stranka je u obrascu 5.2 iskazala obaveze prema pravnom licu JP „Elektroprivreda BiH“ d.d. u iznosu od 249,00 KM, dok je u poslovnim knjigama obaveza prema ovom pravnom licu evidentirana u iznosu od 266,32 KM.
- Prema podacima iz Izvoda otvorenih stavki na dan 31.12.2022. godine, stranka prema pravnom licu JP „9. Septembar“ d.d. Srebrenik ima obaveze u iznosu od 61,30 KM, dok je u obrascu 5.2 i analitičkoj kartici obaveza prema ovom dobavljaču iskazala obaveze u ukupnom iznosu od 30,65 KM.

- (5) Uvidom u finansijsku dokumentaciju političke stranke i knjigovodstvene isprave utvrđeni su nedostaci kod dijela računa dobavljača koji su knjigovodstvene isprave o nastalim poslovnim događajima. Takođe, utvrđeno je da računi nisu ovjereni za knjiženje i plaćanje².

Uvidom u račune pravnih lica: „Zlatnik“ d.o.o. Tuzla, broj: 944/2022 od 05.09.2022. godine u iznosu od 1.752,00 KM, broj: 98-2571 od 24.05.2022. godine u iznosu od 211,50 KM i broj: 51-2571 od 30.04.2022. godine u iznosu od 351,00 KM, „Printas“ d.o.o. Srebrenik, broj: FOM-00888 od 25.10.2022. godine u iznosu 1.125,85 KM, „Futura Multimedia“ d.o.o. Tuzla, broj: FAKT/00546/22/1573 od 17.10.2022. godine u iznosu od 896,68 KM, TR „Cvijetni studio Lotus“ Srebrenik, broj: 273 od 08.09.2022. godine u iznosu od 232,00 KM i „Lovac“ d.o.o. Špionica, broj: 776/22 od 12.08.2022. godine u iznosu od 440,50 KM utvrđeno je da na računima nije potvrđen prijem robe ili izvršenje usluge.

5.2 PREPORUKE

Preporučuje se Političkoj organizaciji „Zajedno za bolji Srebrenik“ da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva obezbijedena za finansiranje stranke koristi u skladu sa utvrđenim programom utroška sredstava,***
- ***da se ne finansira iz zabranjenih izvora,***
- ***da poslovne knjige vodi u skladu sa računovodstvenim propisima, odnosno da uspostavi pravovremene i tačne evidencije o novčanim tokovima, rashodima i obavezama i***
- ***da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.***

KOMENTAR:

U ostavljenom roku, Politička organizacija „Zajedno za bolji Srebrenik“ nije dostavila primjedbe na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2022. godinu.

Šef Odsjeka za revizijske poslove

Sanja Tošović

Šef Odsjeka za predrevizijske i administrativne poslove

Rijad Selmanović

Pomoćnik revizora

Dragomir Elez

² U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.